



## PUSAT PENGAJIAN SAINS MATEMATIK

### SEMESTER 1, SIDANG AKADEMIK 2020/2021

Assalamu'alaikum & Salam Sejahtera pelajar yang dikasihi,

Pusat Pengajian Sains Matematik (PPSM) mengucapkan TAHNIAH kepada semua pelajar PPSM yang telah melalui Semester 2, Sidang Akademik 2019/2020 semasa Perintah Kawalan Pergerakan (PKP) akibat penularan Covid-19 dengan penuh ketabahan dan kesabaran. Semoga pengalaman pengajaran dan pembelajaran pada semester lalu menjadikan kita semua lebih kuat dan lebih bersedia menghadapi cabaran norma baharu.

Bagi memastikan aktiviti pengajaran dan pembelajaran (PdP) Semester 1, Sidang Akademik 2020/2021 berjalan lancar, PPSM telah membuat perancangan awal. Berikut adalah beberapa perkara penting yang perlu diambil perhatian oleh semua pelajar:

1. Pendaftaran kursus secara dalam talian (E-Daftar) akan dibuka pada **11 September 2020 sehingga 8 Oktober 2020** melalui portal CampusOnline. Sila rujuk Jadual Aktiviti Pendaftaran Kursus.
2. Sesi PdP Semester 1, Sidang Akademik 2020/2021 akan bermula pada **12 Oktober 2020**. Sila rujuk Jadual Waktu Kursus pada Lampiran 1. Pelajar perlu menghubungi Penasihat Akademik masing-masing untuk tujuan penasihat.
3. Pelajar-pelajar yang berstatus percubaan dikehendaki mengikuti sesi SIAP (secara dalam talian) pada 12 Oktober 2020 bersama Timbalan Dekan Akademik dan Pengerusi Rancangan.
4. Pengguguran kursus boleh dibuat mulai Minggu Pertama sehingga Minggu Keenam.
5. Bermula Semester 1, Sidang Akademik 2020/2021, Pusat Pengajian Sains Matematik akan mengendalikan PdP secara teradun gantian yang memenuhi pecahan 60% pembelajaran dalam talian dan 40% pembelajaran bersemuka secara fizikal.
6. Berdasarkan pendekatan ini, **kuliah akan dilaksanakan secara dalam talian bermula pada 12 Oktober nanti**. Pelajar boleh memilih sama ada ingin terus berada di rumah masing-masing atau berada di kampus, mengikut keselesaan pelajar semasa sesi pembelajaran dalam talian dijalankan.
7. **Kuliah bersemuka secara fizikal dirancang bermula pada 21 Disember 2020 (bergantung kepada situasi semasa COVID-19)**. Semua pelajar dikehendaki membuat persiapan awal untuk masuk ke kampus sebelum kuliah bersemuka dimulakan kelak.
8. Setiap pelajar perlu mempunyai peranti/komputer riba masing-masing supaya proses pembelajaran dalam talian anda berjalan lancar.

Jika terdapat sebarang pertanyaan berkenaan perkara ini, sila hubungi Timbalan Dekan Akademik atau Pendaftar Kanan PPSM. Terima kasih.